



Ing. Hajrudin Bujukalić

# ULOGA I ZNAČAJ ŠUMA

u privredi naše zemlje

*Bujukalić*

Ing. Hojrudin Bujukalić

# Uloga i značaj šuma u privredi naše zemlje

Izdanje  
Direkcije šuma u Banjoj Luci  
1 9 5 3

Uloga i značaj ženskog  
u privrednoj i društvenoj  
aktivnosti

## U V O D

Prema posljednjim zvaničnim statističkim podacima preko 40% cjelokupne teritorije naše republike nalazi se pod šumom. U NR BiH na jednog stanovnika otpada 0,77 ha šume a u FNRJ 0,50 ha. S obzirom na ovo, Bosna i Hercegovina može se smatrati jednom od najšumovitijih zemalja ne samo u našoj državi nego i u Evropi.

Ako bi cijenili vrijednost tih šuma samo na osnovu statističkih podataka, ne uzimajući u obzir njihovo stvarno stanje, mi bi zaista pretstavljali zemlju kojoj bi se na tom bogatstvu moglo pozavidjeti. Međutim, stvari izgledaju drugačije. Naše šume, u toku nekoliko posljednjih decenija, pretrpile su velika pustošenja. Strani kapital u vidu dugoročnih ugovora i privatni domaći kapital, zaštićen zakonom o zaštiti domaće drvne industrije, koji je jedno vrijeme važio u bivšoj Jugoslaviji, uništavali su godinama naše najvrednije šume. Pri takvom načinu korištenja naših šuma, uporedo sa šumama nemilosrdno je iskorištavana i jeftina radna snaga siromašnog seoskog stanovništva naših planinskih krajeva.

Iz takvog sistema rada naslijedili smo stotine hiljada hektara krša i goleti, starih sječina i paljevina, uzurpiranog i iskrčenog zemljišta, bezvrijednih šikara i prekomjerno i nepravilno sječenih šuma. Preko polovina ukupne površine zemljišta, koje se, prema statističkim podacima, nalazi pod šumom, pretstavlja ustvari ili potpuno ogoljelo šumsko zemljište ili šikare, a oboje zajedno su neproduktivno zemljište od kojeg naša privreda nema skoro nikakve koristi. Kada bi ovo zemljište bilo pod šumom i kada bi ta šuma imala godišnji prirast samo 2 m<sup>3</sup> po hektaru, naš ukupni godišnji prirast na drvnoj masi povećao bi se za preko dva miliona kubnih metara. Nije teško zaključiti za koliko bi se naše